



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CLXI. Markgraf Friedrich vereignet nochmals Mühlenbeck und Summolt dem Kloster Lehnin, am 12. März 1416.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

vnd ander Erber vnd glaubenwürdiger lute genug. Czu urkunde etc. — Datum Berlin dominica Inuocavit Anno etc. XVI^o.

Nach dem Churm. Lehnscopial des K. Geh. Kab.-Archivs XV, 43 (2).

CLXI. Markgraf Friedrich vereignet nochmals Mühlenbeck und Summolt dem Kloster Lehnin, am 12. März 1416.

Wir fridrich etc., Bekennen vnd tun kunt vor allen den, die diesen brieff sehen oder horen leszen, das wir got czu lob vnd vnser vnd vnsern nachkomen selen czu trost, dem wirdigen hern heinrich Apt vnd der gantzen Samnunge des Closters vnd goteshuses czu lenyn vnsern andechtigen vnd lieben getreuen vnd allen iren nachkomeligen von befundern gnaden vnd neygungen wegin, die wir czu demselben Closter haben, czu einen rechtem eygentum geben haben das gancz dorff Mulbecke Summolt mit allen czugehorunge in dorff vnd in felde vnd mit allen fruchten, nuzzen vnd renten, mit ackern, heiden, wisen, holzen, wassern, vischereien, bachten, czinsen, wage-dinsten, czehenden, rauchhunern, vffart vnd abfart, mit dem kirchlehen vnd gerichtten obersten vnd nydersten vnd mit allen pflichten vnd czugehorunge, wie die genant vnd wo sy gelegen sin, nichtz aufgenomen, mit allen eren, gnaden, freiheiten, als das hans Schonfelt, Jaspar Sticken, vnser lieb getruwer, biszher gehabt vnd besessen vnd dem gnanten hern heinrich Apt verkawft vnd vor vns redlich vnd recht verlassen haben. Ouch haben wir Im vereygent in dem obgnanten dorff Molenbecke dry Stucke uff hans schulden hofe, die von (vns) vnd der Marggraffschaft vormals czu lehen geruret haben, vnd wir vereygen dem obgnanten hern heinrich Apte vnd der ganzen samnunge des obgenanten Closters lenyn das obgnante dorff Molenbeck mit allen czubehorungen als obgeschriben stet vnd ouch dy drey stucken vff hans schulden hofe czu ewigen czeiten czu haben, czu genyssen vnd geruglich czu besiczen vor vns, vnsern erben vnd nachkomen Marggrauen vnd allen vnsern vogten vnd Amptuten vngehindert. Hirober sind gewest der Erwardige herr Johans von waldo Bischoff czu Brandenburg, die wolgeboren Graue Gunther von Swartzburg, here czu Ranitz, Balthasar von wenden, der Erfam Meister Peter von heltburg probst czu Wetzflarn, der Strenge Wigles sachencke von Geyren etc. Datum Berlin ipfa die sancti Gregorii pape Anno XVI^o.

Nach dem Churm. Lehnscopialbuche des K. Geh. Kab.-Archivs XV, 43 a.

CLXII. Hans Schönefeld und Jaspar von Sticken quittiren das Kloster Lehnin wegen 180 Schock Böhm. Groschen, wofür sie dem Kloster ihre Besitzungen zu Mühlenbeck verkauft haben, am 10. März 1417.

Wie Hans schoneveld vnd Jaspar van Sticken bekennen openbar in dessem brife, vor vns vnd vnse eruen, dat dy erwardige here, her heinrik, abbat thu lenyn, heft vns van